

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИННИГ  
ҚАРОРИ**

**РЕСПУБЛИКА МАЊНАВИЯТ ВА МАЊРИФАТ МАРКАЗИ ҲУЗУРИДАГИ  
ИЖТИМОЙ-МАЊНАВИЙ ТАДҚИҚОТЛАР ИНСТИТУТИ ФАОЛИЯТИНИ  
ТАШКИЛ ЭТИШ ТҮҒРИСИДА**

Ўзбекистон Республикаси Президентининг «Мањнавий-мањрифий ишлар тизимини тубдан такомиллаштириш чора-тадбирлари тўғрисида» 2021 йил 26 мартағи ПҚ-5040-сон қарори ижросини таъминлаш мақсадида Вазирлар Маҳкамаси қарор қилади:

1. Республика Мањнавият ва мањрифат маркази (кейинги ўринларда — Марказ) ҳузурида Ижтимоий-мањнавий тадқиқотлар институти ташкил этилганлиги маълумот учун қабул қилинсин.

Белгилансинки, Ижтимоий-мањнавий тадқиқотлар институти (кейинги ўринларда — Институт) «Миллий тикланишдан — миллий юксалиш сари» деган ғоя асосида мамлакатимизда мањнавий-мањрифий ишларни янги босқичга кўтариш, аҳоли, айниқса, ёшларни Ватанга муҳаббат, мањнавий меросимиз, миллий адабиётимизга хурмат руҳида тарбиялаш гоясини ҳаётга татбиқ этиш ишларини илмий-методик ва ахборот-таҳлилий жиҳатдан таъминлаш фаолиятини амалга оширувчи ихтисослаштирилган илмий-тадқиқот муассасаси ҳисобланади.

2. Қўйидагилар Институтнинг асосий вазифалари этиб белгилансин:

мањнавий-мањрифий ишлар ҳолати, миллий ғоянинг мамлакат тараққиётидаги ўрни, жамият барқарорлигига салбий таъсир этувчи таҳдидлар ва уларни бартараф этиш юзасидан илмий-амалий изланишлар олиб бориш;

мамлакатдаги ижтимоий-мањнавий муҳит ҳолатини тадқиқ қилиш, баҳолаш ва яхшилаш бўйича илмий-амалий таклифлар тайёрлаш;

мањнавий-мањрифий тарғибот ишларини амалга оширишнинг самарали ва таъсирчан замонавий тарғибот технология ҳамда усулларини ишлаб чиқиш;

аҳолининг ғоявий ва ахборот хуружларига қарши мағкуравий иммунитетини кучайтириш бўйича тадқиқотлар ўtkазиш, Интернет тармоғидан фойдаланиш маданиятини ошириш;

эл-юрт тақдирига лоқайдлик, маҳаллийчилик, уруғ-аймоқчилик, коррупция, оиласија қадриятларга беписандлик ва ёшлар тарбиясига масъулиятсизлик каби иллатларга барҳам беришга қаратилган комплекс чора-тадбирларни ишлаб чиқиш;

Узлуксиз мањнавий тарбия концепцияси асосида тарбиявий ишлар самарадорлигини баҳолашнинг илмий асосланган индикаторлари ва кўрсаткичларини жорий қилиш;

вазирликлар ва идораларда, жумладан, таълим тизими, маҳалла ва ҳудудлар бўйича мањнавий-мањрифий ҳамда тарбиявий ишлар самарадорлигини оширишга қаратилган илмий асосланган таклиф ва тавсиялар ишлаб чиқиш;

соҳани илмий асосда ривожлантиришга қаратилган фундаментал, амалий ва инновацион тадқиқотларни амалга ошириш, уларнинг натижаларини амалиётга татбиқ қилиш, илмий экспертизани йўлга қўйиш;

дунёнинг мағкуравий манзарасини ўрганиш, таҳлил қилиш, мањнавий-мањрифий ва тарбиявий ишларни ташкил этишда миллий ва умуминсоний қадриятларга мос хорижий тажрибани амалиётга жорий этиш;

мањнавий-мањрифий соҳага масъул ходимларнинг малакасини ошириш.

3. Белгилансинки:

Институт директори Марказ раҳбари томонидан лавозимга тайинланади ва лавозимидан озод қилинади;

Институт ходимларига Фанлар академияси илмий-тадқиқот муассасаларининг тегишли лавозимлари учун белгиланган меҳнатга ҳақ тўлаш ва моддий рағбатлантириш шартлари қўлланилади;

Институт «Маънавият тарғиботчиси» таълим муассасасининг барча хуқуқ ва мажбуриятлари, шунингдек, тузилган шартномалари бўйича хукуқий вориси ҳисобланади.

4. Республика Маънавият ва маърифат маркази ҳузуридаги Ижтимоий-маънавий тадқиқотлар институтининг тузилмаси [иловага](#) мувофиқ тасдиқлансан.

Марказ раҳбарига, зарур ҳолларда, Институт тузилмасига бошқарув ходимларининг умумий чекланган сони ва меҳнатга ҳақ тўлаш фонди доирасида ўзгартиришлар киритиш хукуки берилсан.

5. Қўйидагилар Институт фаолиятини молиялаштириш манбалари этиб белгилансин:  
Давлат бюджетидан ажратиладиган тегишли маблағлар;

Инновацион ривожланиш вазирлиги томонидан илмий фаолиятга оид давлат дастурлари доирасида ўтказиладиган танловлар натижаларига кўра ажратиладиган Давлат бюджети маблағлари;

жисмоний ва юридик шахсларнинг ҳомийлик хайриялари;  
халқаро молия институтлари ва бошқа хорижий ташкилотларнинг грантлари;  
конунчилик хужжатлари билан тақиқланмаган бошқа манбалар.

6. Белгилаб қўйилсинки, Институтни бюджет маблағлари ҳисобидан сақлаш харажатлари 2021 йилда Марказнинг Маънавият ва ижодни қўллаб-кувватлаш мақсадли жамғармасидан Марказнинг худудий бўлимларига жойларда маънавий-маърифий соҳаларни ривожлантириш учун ажратиладиган маблағлари ҳисобидан қопланади, 2022 йилдан бошлаб эса республика бюджети параметрларида назарда тутилади.

7. Марказ ва «Маънавият тарғиботчиси» таълим муассасасининг ушбу таълим муассасасига тегишли бўлган мол-мулкни, шу жумладан, транспорт воситасини белгиланган тартибда Институтга беғараз бериш тўғрисидаги таклифига розилик берилсан.

8. Марказ:

а) икки ой муддатда:

Институт уставини ишлаб чиқсин, тасдиқласин ва белгиланган тартибда давлат рўйхатидан ўтказилишини таъминласин;

Институтни юқори илмий салоҳиятли, малакали мутахассислар билан тўлдириш чораларини кўрсин;

давлат органлари ва ташкилотларининг маънавий-маърифий ишлар бўйича масъул ходимларининг тўлов шартномаси асосида Институтда малакасини ошириш тартибини жорий этиш юзасидан Вазирлар Маҳкамасига таклиф киритсин;

б) уч ой муддатда Вазирлар Маҳкамаси ҳузуридаги Олий аттестация комиссияси билан биргаликда қонунчилик хужжатларида белгиланган тартибда Институтда тегишли ўйналиш бўйича ихтисослаштирилган илмий кенгаш фаолиятини ташкил этсин.

9. Ахборот технологиялари ва коммуникацияларини ривожлантириш вазирлиги белгиланган тартибда Институтни зарур телекоммуникация хизматлари билан, жумладан, хукумат алоқаси ҳамда Интернет тармоғига уланишини таъминласин.

10. Республика Маънавият ва маърифат маркази, Халқ таълими вазирлиги ҳамда Тошкент шаҳар ҳокимлигининг Тошкент шаҳри, Яккасарой тумани, Бобур кўчаси, 9-ий манзилидаги Халқ таълими вазирлигига тегишли бўлган бинонинг 3-қаватига Марказ ҳузуридаги Институт, «Маърифат» тарғиботчилар жамияти, «Маънавий ҳаёт» ва «Тафаккур» журналлари таҳририятларини текин фойдаланиш хукуқи асосида жойлаштириш тўғрисидаги таклифи маъқуллансан.

Халқ таълими вазирлиги, Тошкент шаҳар ҳокимлиги обьектни бир ой муддатда белгиланган тартибда топширсин, Марказ қабул қилиб олсин ҳамда обьектни Маънавият ва ижодни қўллаб-кувватлаш мақсадли жамғармаси маблағлари ҳисобидан мукаммал таъмирлаш, сақлаш ва ундан мақсадли фойдаланиш бўйича зарур чора-тадбирларни кўрсин.


11. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари Б.А. Мусаев зиммасига юклансин.

**Ўзбекистон Республикасининг Бош вазири А. АРИПОВ**

Тошкент ш.,  
2021 йил 3 июнь,  
340-сон

Вазирлар Маҳкамасининг 2021 йил 3 июндангы 340-сон қарорига  
ИЛОВА

**Республика Маънавият ва маърифат маркази ҳузуридаги Ижтимоий-маънавий  
тадқиқотлар институтининг  
ТУЗИЛМАСИ**



Ходимларнинг умумий чекланган сони — 20 нафар

(Қонунчилик маълумотлари миллий базаси, 04.06.2021 й., 09/21/340/0517-сон)